

樊克誠 茂才

寇叔坦 茂才

張達天 孝廉

熊恭徵 茂才

陳廣虞 孝廉

醴雞吟卷之二

還山歌 辛丑

小隱隱兮巢許夫 隱隱兮將周適 達人之無
不可嗟 余改足之安投 况生涯之多病 若旦
暮之蟬蛸 夙懷兮真梁微尚兮玄脩撫孤松
之岑寂抱一石之清幽 追龍犀之俱遺 復身
世其何求 思美人兮不見 鬱歲月之悠悠 望
白雲兮日暮 坐彈焦尾于中丘

濟涇行 時余以憂歸也 丙午

涇水東兮瀨瀨秋涇水下兮森森流曷問津
兮無橋梁曷問渡兮無方丹石碎碎兮木泓
泓繫豈無足兮安可投意彷徨兮悲風木風
之聲兮起颼颼滌涇流兮望崆峒遵山之麓
兮樵徑幽鶯玄鶴兮開紫閣披薜草兮採丹
丘我心哀哀兮欲何之瞻白雲兮不可留

王母宮

七夕飄飄絳節尚更憶武帝薦仙桃歲星已
見朔方死枉使天王王趾勞

古栢

王母祠前栢十尋根如玉立幹如金更留年
古馨香在一任嚴霜烈日侵

王母村

誰把村名王母村傍山依水盡桃園涇原南
去崆峒北不見桃花一樹存

理池

爲憐王母駐雲霓霞霓甘楹護紫題流出池

頭渾不管任人濯足任人哇

經金佛峽余幼時赴試本涼偶得石激二句已酉始足於一晉

誰鑿金爲佛峭屏一轉蒼背霜鴻鴈過帶雪

野花生石激灘聲遠山高鳥語清行行朝那

水遙指是開城以上已酉

出塞行

高平城外蕭關道崆峒山下多荒草皮柴想

帳起秋高朱門深閉懸營分朱門閉朱門閉

盼盼胡兵何時撤朱門開朱門開誰令天驕

不再來漢家命將急西征車騎將軍欲橫行

胡兒牧馬過關裏單于打圍青澗城青澗從

來征戰地生還不見一人至思歸戍客多若

顏無日不灑沙場淚

寄爵都諫胡慕之親家

清禁直廬日黃扉退食朝春明開別宴歌管
駐征輅孤驛王程迫五雲帝闕遙署蘭淮上
使紉佩正瀟瀟以上庚戌

題彭祖井辛亥

天麗房星度地闕鑿鑿井不知何歲月至今
留靈景木齒雪瑩瑩洗心玉冷冷黃河亘天
來萬家移峻嶺呵護如有神不敢浸仙境余
叨慶支卽省舍相隣併人道老彭鑿來往不

須綆可以煮丹砂可以熟銀礦石髓不易得
服食安可屏朝餐武陵桃峯啖橘林杏夙心
有徵尚况復維塵靡禾燥葛稚川中夜獨耿
耿

劉華石中丞告成河工時余署中河事

賦呈

瓠子洋洋白馬津類沉蒼壁走波臣誰能疏
鑿行無事詎有胼胝勞厥身千權輕飛千里

采萬倉滿貯萬家春元功自是歸台輔歌咏

宣房史筆新

舟中對月寄總河都憲陳楚石

榮戟天關控上游蘭橈錦纜擁南州烏臺霧
捲千江曉白簡霜飛九月秋調鳳歌人促玉
柱珥蟬侍者列貂裘使星今夕浮槎轉尚挹
清光望謝樓

元日大雪張洪源侍御留飲署中寄謝

綺席開霜府瑤臺接瓊闌六華飛簡白一萼
露春暉素點潘郎鬢先生曹國衣嚴城歸炬
火驄馬尚依依以上壬子